

**Fundargerð samstarfsnefndar
Sambands íslenskra sveitarfélaga
og
Kennarasambands Íslands
vegna Félags leikskólakennara**

126. fundur samstarfsnefndar Sambands íslenskra sveitarfélaga og Kennarasambands Íslands vegna Félags leikskólakennara var haldinn föstudaginn 26. maí 2022 í Borgartúni 30 og hófst hann kl. 16:00.

Á fundinum voru f.h. FL, Haraldur F. Gíslason. F.h. Sambands íslenskra sveitarfélaga, Rakel Guðmundsdóttir og Bjarni Ómar Haraldsson sem einnig ritaði fundargerð.

Þá var gengið til dagskrár.

1. Starfsheitið Leiðsagnarkennari

Samningsaðilar eru sammála um að framlengja gildistíma ákvæðis um starfsheiti leiðsagnarkennara sem hljóðar svo:

Leiðsagnarkennari

Kennari sem tekur að sér leiðsögn við starfsnámsnema, nema/vettvangsnema og nýliða í starfi ber starfsheitið leiðsagnarkennari. Leiðsagnarkennari er faglegur leiðtogi í lærdómssamfélagi leikskóla og er/getur verið starfandi kennurum til ráðgjafar þegar kemur að starfsþróun og endurmenntun. Starf við leiðsögn skal aldrei vera minna en 20 % starfshlutfall og er alltaf tímabundið til eins skólaárs í senn. Leiðsagnarkennarinn skal fá að lágmarki 8 klukkustundir á viku til starfsins. Skilyrði er að leiðsagnarkennari hafi a.m.k. þriggja ára starfsreynslu og leyfisbréf til kennslu í leikskóla.

Viðfangsefni leiðsagnarkennara skulu útfærð nánar að frumkvæði leikskólastjóra í hverjum leikskóla fyrir sig í samráði við starfsmann sem falið er að sinna leiðsögn. Starfið skal þá taka mið af umfangi leiðsagnar s.s. útfra fjölda nema, nýliða eða annarra þeirra verkefna sem kunna að snúa að hlutverki leiðsagnarkennara sem faglegur leiðtogi í lærdómssamfélagi leikskóla.

Leiðsagnarkennari 1: Leikskólakennari sem tekur að sér leiðsögn grunnraðast í launaflokk 235.

Leiðsagnarkennari 2: Sérkennari/Verkefnastjóri/Sérgreinakennari sem tekur að sér leiðsögn grunnraðast í launaflokk 236.

Leiðsagnarkennari 3: Deildarstjóri sem tekur að sér leiðsögn grunnraðast í launaflokk 237.

Leiðsagnarkennari 4: Sérkennslustjóri sem tekur að sér leiðsögn grunnraðast í launaflokk 238.

Starfsmaður sem tekur tímabundið að sér móttöku nema/vettvangsnema sem ekki eru í starfsnámi á lokaári fellur ekki undir starfsheiti Leiðsagnarkennara.

Leiðsagnarkennari sinnir leiðsögn við starfsnámsnema, vettvangsnema og nýliða vegna starfa þeirra á vettvangi s.s. við undirbúning kennslu, kennsluáætlanagerð, ráðgjöf vegna kennslu og annars samstarfs við nemendur, foreldrasamstarfs og annarra faglegra starfa sem starfi kennara tilheyra.

Í samráði við leikskólustjóra kemur leiðsagnarkennari að skipulagningu, áætlanagerð, mati og endurgjöf sem tengist leiðsögn við starfsnámsnema, vettvangsnema og nýliða og vinnur hann þá í samstarfi við háskóla viðkomandi starfsnáms-, vettvangsnema.

Starfsnámsnemi starfar að lágmarki í 50% starfi við kennslu á lokaári kennaranáms hvort sem námið er launað starfsnám eða ekki.

Vettvangsnemi/nemi er nemandi í kennaranámi sem ekki er starfsnámsnemi á lokaári.

Ákvæði kjarasamnings FL og SNS um leiðsagnarkennara gildir til 31. maí 2024 en fellur þá niður án frekari fyrirvara nema samningsaðilar hafi tekið aðra ákvörðun fyrir þann tíma sbr. bókun 1 [2022].

2. Starfsumhverfi og ábyrgð deildarstjóra og sérkennslustjóra

Starfshópur um starfsumhverfi og ábyrgð deildarstjóra og sérkennslustjóra í leikskólum hefur lokið störfum og skilað tillögum að uppfærðum starfslýsingum til samstarfsnefndar sem endurspeglar þá ábyrgð sem felst í störfunum. Samningsaðilar hafa tekið tillit til þessa við endurröðun þeirra starfsheita sem um ræðir í starfsheitakafli kjarasamnings aðila sem gildir frá 1. apríl 2023. Samhliða því falla niður greiðslur annarra launa til starfsmanna í viðkomandi starfsheitum sem um var samið í fundargerð samstarfsnefndar frá 27. apríl 2022. Framangreint gildir frá 1. apríl 2023 og í því felst að umræddar greiðslur koma til frádráttar afturvirkri hækkun launaröðunar umræddra starfsheita á grundvelli kjarasamningsins. Uppfærðar starfslýsingar verði birtar samhliða heildarútgáfu kjarasamningsins.

Fleira ekki gert og fundi slitið klukkan 16:15.